



Godišnji izvještaj za 2021. godinu

Naučno-umjetničko udruženje „Laboratorium” Tuzla

Januar 2022. godine, Tuzla

Osnovni podaci o Laboratoriumu

Puni naziv:

Naučno-umjetničko udruženje „Laboratorium” Tuzla

ID broj udruženja:

4210188990001

Rješenje o upisu u Registar udruženja:

Rješenje broj: UP1-06/1-05-007302/15

Tuzla, 26.3.2015. godine

Udruženje je upisano u Registar udruženja Tuzlanskog kantona u knjigu I, pod rednim brojem 265/15.

Rješenje o promjeni sjedišta:

Rješenje broj: UP1-06/1-05-004611/16

Tuzla, 26.2.2016. godie

Sjedište udruženja:

Kuća Plamena Mira, Šetalište Slana Banja bb

75 000 Tuzla

Bosna i Hercegovina

Osnivači udruženja:

1. Leila Hadžić
2. Muris Halilović
3. Sabina Merić

Ovlaštena lica za zastupanje i predstavljanje udruženja:

Leila Hadžić, Predsjednica

+387 62 663 563

laboratorium.tk@gmail.com

Broj računa i naziv banke:

3384402213591068

UniCredit Bank

Web-stranica:

<https://laboratorium.ba>

Računovodstvena agencija: DSO „N.T. Accounting” Tuzla, vl. Nevena Tomić

Uvod

Naučno-umjetničko udruženje „Laboratorium” Tuzla (skraćeno: Laboratorium) ima za misiju promociju znanja i sticanje vještina kroz obrazovne i multidisciplinarne projekte koji povezuju umjetnost, dizajn, inženjstvo, nauku i tehnologije.

Laboratorium je posvećen osnaživanju i obrazovanju mladih, ali i drugih starosnih skupina, kroz inovativni pristup i otvorenost, jer želi doprinijeti razvoju i unaprijeđenju društva.

Godišnji izvještaj Laboratorijuma ima za cilj da sve zainteresovane upozna s radom udruženja tokom protekle kalendarske godine.

Narativni izvještaj sadrži pregled implementiranih projekata i drugih aktivnosti realiziranih od strane Laboratorijuma tokom 2021. godine, a namijenjen je članovima i članicama Laboratorijuma, donatorima, partnerima, saradnicama i saradnicima, kao i široj javnosti.

Organizacijska struktura i članovi/ice udruženja:

Skupština udruženja:

- Leila Hadžić, Predsjednica skupštine i udruženja
- Muris Halilović, Zamjenik predsjednice
- Sabina Merić, Generalna sekretarka
- Majda Gracić-Jogunčić, Aktivna članica,
- Irhad Suljić, Aktivni član
- Ina Salihović, Aktivna članica
- Semra Sukanović, Aktivna članica
- Tamara Hukić, Aktivna članica

Pomažući članovi i članice:

- Tanja Madžarević
- Zlatko Jogunčić
- Zlatko Alomerović
- Tarik Arslanagić
- Dejan Bojić
- Muamer Halilović
- Sanela Čakarić-Bojić
- Tarik Fazlić

Projekti i aktivnosti

- Tokom 2021. godine Laboratorium je potpisao *Programme Cooperation Agreement* s UNICEF-om u Bosni i Hercegovini na period 2021 – 2025. godina, a s ciljem realizacije projekta UPSHIFT Bosna i Hercegovina, u okviru Zajedničkog regionalnog programa „Dijalog za budućnost”. Nakon uspješne digitalizacije UPSHIFT programa i prilagodbe za *online* okruženje, Laboratorium je nastavio saradnju s UNICEF BiH na realizaciji druge eUPSHIFT radionice. Osoblje Laboratoriuma je aktivno saradivalo s predstavnikom UNICEF Ureda za inovacije kako bi svoja iskustva u digitalizaciji UPSHIFT programa podijelila s drugim organizacijama iz regije i svijeta (Crna Gora, Srbija, Sjeverna Makedonija, Italija, Maroko).
- U okviru Zajedničkog regionalnog programa „Dijalog za budućnost” (eng. Dialogue for future, DFF), udruženje je sudjelovalo na Završnoj regionalnoj dijaloškoj platformi u aprilu 2021. godine.
- Pružena je i podrška u mapiranju pozitivnih priča u okviru projekta UPSHIFT BiH kroz DFF program kroz sudjelovanje u intervjuima i radnim grupama.
- Laboratorium je učestvovao i nominovao učesnice i učesnike UPSHIFT BiH programa za radni sastanak u okviru kreiranja kratkih priča autorice Asje Bakić, a na temu „Imagining Health Futures – Serbia, Bosnia and Herzegovina”, pod organizacijom UNICEF-a.
- Kroz UPSHIFT ostvareno je partnerstvo i saradnja s Humanitarnom organizacijom „Genesis Project” Banja Luka, te MOZAIK Fondacijom.
- Predsjednica udruženja, Leila Hadžić, sudjelovala je u pripremi i izradi pisanih materijala, vođenju radionica i prezentacija, kao i na snimanju video materijala na temu Rodno-odgovorne metode podučavanje (eng. Gender-responsive teaching methods, GRTM) u STEAM obrazovanju, projektu kojeg je realizirala Humanitarna organizacija „Genesis Project” Banja Luka kao partner UNICEF-a u BiH.

Projekat: „UPSHIFT BiH – eUPSHIFT II”

Donator: UNICEF BiH

Trajanje projekta: 10.10.2020 – 31.3.2021

Vrijednost projekta: 48,422BAM

Geografska pokrivenosti: Livno, Tomislavgrad, Kupres, Široki Brijeg, Ljubuški, Grude, Posušje, Konjic, Jablanica, Prozor, Čapljina, Stolac, Čitluk, Neum, Trebinje, Ljubinje, Nevesinje, Bileća, Gacko

Ciljna skupina: Adolescenti (13 – 19 godina)

Link: <https://upshift.ba/o-upshiftu/>

Opis:

Projekat UPSHIFT BiH nastavljen je i u 2021. godini, kada je okončana realizacija drugog po redu *online* UPSHIFT BiH (eUPSHIFT BiH).

eUPSHIFT (online UPSHIFT) je razvijen u periodu mart-jun 2020., nakon izbijanja COVID-19, a pilotirao ga je Laboratorium u julu 2020. godine.

eUPSHIFT kombinuje UPSHIFT metodologiju i digitalne alate kako bi potaknuo razvoj mladih i adolescenata, te promovirao društvene inovacije, poduzetništvo i osnaživanje, posebno za marginalizirane mlade i adolescente kako bi mogli postati sljedeći društveni inovatori i poduzetnici u svojim zajednicama. Koristeći najsavremenije tehnike iskustvenog učenja, eUPSHIFT uči mlade i adolescente kako da razumiju izazove zajednice i dizajniraju i izgrade efektna rješenja u obliku proizvoda ili usluga.

Projekat se sastojao iz nekoliko faza:

1. *Faza promocije* – Ova faza je sprovedena online, tokom koje je biti održano 10 online susreta za zainteresovane učesnike. Društveni i tradicionalni mediji i direktan kontakt sa školama i omladinskim centrima korišteni su za promociju projekta. Objave su paralelno tekle na web-stranici projekta i udruženja. Promocija eUPSHIFT II je tekla paralelno s promocijom eUPSHIFT III kojeg je realizirala Humanitarna organizacija „Genesis Project” Banja Luka.
2. *Selekcija i obuka mentora i mentorica* – Mentori i mentorice su birani iz nevladinog, obrazovnog i privrednog sektora, a iz ciljanog geografskog područja. Ukupno je obučeno 11 novih mentora i mentorica.
3. *Faza prijave i selekcije* - Zainteresovani učesnici i učesnice prijavljivali su se u timovima (po 3 do 5 osobe) putem online obrasca za prijavu. Izabrano je 8 timova za učešće na eUPSHIFT radionici. Laboratorium tim je dizajnirao trening „*Motivate to innovate*” i proveo timove kako bi ih pripremio za učešće na eUPSHIFT radionici.
4. *eUPSHIFT II radionica* – Na radionici je sudjelovalo 8 timova koje su činili učenici i učenice iz osnovnih i srednjih škola (27 djevojčice, 3 dječaka). Nakon radionice, žiri je odabrao 5 timova koji su osvojili nagradu u iznosu od 3 000KM i mentorstvo u trajanju od tri mjeseca.

5. *Faza monitoringa i realizacije projekata* - Monitoring je integrisan u komponentu mentorstva; sve glavne prekretnice projekata predvođenih mladima pratio je dodijeljeni mentor ili mentorka, te Laboratorium osoblje. Svi nagrađeni projekti su realizirani o datom roku

Kroz projekat su dodatno urađene nabavke opreme i materijale za škole koje su sudjelovale u projektu.